

Adroddiad i'r	Cabinet
Dyddiad y cyfarfod	25 Mehefin 2024
Aelod Arweiniol / Swyddog	Y Cyngorydd Jason McLellan, Arweinydd ac Aelod Arweiniol Twf Economaidd a Threchu Amddifadedd / Tony Ward, Cyfarwyddwr Corfforaethol: Yr Amgylchedd a'r Economi
Awdur yr adroddiad	Tony Ward, Cyfarwyddwr Corfforaethol: Yr Amgylchedd a'r Economi
Teitl	Cynlluniau Hirdymor ar gyfer Trefi: Y Rhyl

1. Am beth mae'r adroddiad yn sôn?

1.1. Mae'r adroddiad hwn yn sôn am y gronfa o tua £20 miliwn a gyhoeddwyd yn ddiweddar ar gyfer Y Rhyl, sy'n rhan o fenter Cynlluniau Hirdymor ar gyfer Trefi Llywodraeth y DU.

2. Beth yw'r rheswm dros lunio'r adroddiad hwn?

2.1. Adrodd yn ôl i'r Cabinet ynghylch y penderfyniadau dirprwyedig a'r camau a weithredwyd gan y Cyfarwyddwr Corfforaethol: Yr Amgylchedd a'r Economi a'r Arweinydd/Aelod Arweiniol Twf Economaidd a Threchu Amddifadedd yn dilyn cyfarfod y Cabinet ar 21 Mai 2024.

3. Beth yw'r argymhellion?

3.1. Bod y Cabinet yn nodi ac yn cefnogi'r wybodaeth sydd wedi'i chynnwys, ac wedi'i hatodi i'r adroddiad hwn, yn cynnwys penodiad Cadeirydd Bwrdd newydd Y Rhyl ac aelodaeth arfaethedig y Bwrdd. Mae'r wybodaeth a gyflwynwyd i Lywodraeth y DU yn amgaaedig yn Atodiad A.

4. Manylion yr adroddiad

- 4.1. Ym mis Medi 2023, lansiodd Llywodraeth y DU y fenter Cynllun Hirdymor ar gyfer Trefi fel rhan o'i rhaglen ffyniant bro. Ar 6 Mawrth 2024, cyhoeddwyd y byddai'r Rhyl yn derbyn tua £20 miliwn fel un o'r 2il garfan o drefi i'w cynnwys yn y fenter. Bydd y cyllid yn cael ei ddyfarnu i CSDd, a ni fydd yn gyfrifol am y cyllid ac am gyflwyno'r cynllun.
- 4.2. Roedd gofyn i CSDd wahodd unigolyn addas i fod yn Gadeirydd Bwrdd Tref newydd Y Rhyl erbyn 3 Mehefin 2024. Byddai'r unigolyn hwn yn un uchel ei barch gydag angerdd amlwg dros Y Rhyl ac yn y safle gorau i gynnull partneriaid, e.e. person busnes neu arweinydd cymunedol lleol. Yr unigolyn a ddewiswyd i fod yn Gadeirydd yw Adam Roche. Ymhlith pethau eraill, mae Adam yn Rheolwr Gyfarwyddwr gwirfoddol yng Nghlwb Pêl-droed Y Rhyl. Mae'r ysgrif-bortread wedi'i gynnwys yn Atodiad A.
- 4.3. Roedd yn rhaid i CSDd gyflwyno bywgraffiad y Cadeirydd, Strwythur y Bwrdd, y Cylch Gorchwyl, y Polisi Gwrthdaro Buddiannau a ffurflen Ffiniau'r Dref erbyn 3 Mehefin 2024. Cafodd y dasg hon ei dirprwyo gan y Cabinet (ar 21 Mai 2024) i'r Cyfarwyddwr Corfforaethol: Yr Amgylchedd a'r Economi a'r Arweinydd/Aelod Arweiniol Twf Economaidd a Threchu Amddifadedd. Mae'r wybodaeth a gyflwynwyd i Lywodraeth y DU yn amgaaedig yn Atodiad A.
- 4.4. Yna, erbyn **1 Tachwedd 2024**, rhaid i'r Bwrdd wneud y canlynol:
 - Cytuno ar Lywodraethiad.
 - Cytuno ar gynllun ymgysylltu.
 - Cynnal adolygiad data.
 - Ymgysylltu â'r cyhoedd.
 - Datblygu'r Weledigaeth 10-mlynedd.
 - Datblygu'r cynllun cyflawni ar gyfer y 3 blynedd gyntaf.
- 4.5. Rhaid i Weledigaeth Hirdymor (10 mlynedd) y Dref fod yn seiliedig ar flaenoriaethau'r bobl leol. Rhaid iddo nodi gweledigaeth a blaenoriaethau'r dref ar gyfer buddsoddi ac adfywio, wedi'u cydweddu â'r tair thema ganlynol: 1) diogelwch a diogeledd; 2) y stryd fawr, treftadaeth ac adfywio; a 3) cludiant a

chysylltedd. Rhaid cytuno ar hyn, a'r Cynllun Cyflawni 3-blynedd, a'u cyflwyno erbyn 1 Tachwedd 2024.

- 4.6. Bydd Y Rhyl yn derbyn cronfa 10-mllynedd ar ffurf gwaddol o tua £20 miliwn. Y bwriad yw y bydd hyn yn cynnig sicrwydd hirdymor i gyflawni prosiectau dros nifer o flynyddoedd, a'r hyblygrwydd i fuddsoddi mewn ymyriadau sy'n seiliedig ar anghenion a blaenoriaethau lleol sy'n datblygu. Er y bydd CSDd/y Bwrdd yn derbyn swm blynyddol (tua £2 filiwn y flwyddyn), nid oes rhaid gwario'r arian i gyd o fewn y flwyddyn honno; gellir ei ddwyn ymlaen, o leiaf o fewn cyfnod pob cynllun cyflawni 3-blynedd.

5. Sut mae'r penderfyniad yn cyfrannu at Gynllun Corfforaethol 2022 i 2027: Y Sir Ddinbych a Garem?

- 5.1. Bydd Cynllun Hirdymor y Dref yn cefnogi themâu cynllun corfforaethol y Cyngor, ond yn benodol, Bwrdd Sir Ddinbych Ffyniannus.

6. Faint fydd hyn yn ei gostio a sut y bydd yn effeithio ar wasanaethau eraill?

- 6.1. Bydd angen i swyddogion o amrywiaeth o wasanaethau'r Cyngor gefnogi Bwrdd y Dref. Mae cyllid ar gael i helpu gyda'r tasgau y mae'n rhaid eu cwblhau erbyn 1 Tachwedd 2024, er enghraifft, bydd £200,000 ar gael ar gyfer gwaith ymgysylltu cyhoeddus ac i gefnogi datblygiad y weledigaeth 10-mllynedd a'r cynllun cyflawni 3-blynedd.

7. Beth yw prif gasgliadau'r Asesiad o'r Effaith ar Les?

- 7.1. Ni chynhaliwyd Asesiad o'r Effaith ar Les mewn perthynas â'r adroddiad hwn.

8. Pa ymgynghoriadau sydd wedi'u cynnal gyda Chraffu ac eraill?

- 8.1. O ystyried y terfynau amser, ni chafwyd llawer o gyfle i ymgynghori hyd yma. Fodd bynnag, anfonwyd y wybodaeth ddiweddaraf i Grŵp Ardal Aelodau'r Rhyl dros e-bost, ac roedd yn eitem ar raglen Grŵp Cyfeirio'r Rhyl ar 25 Ebrill 2024.

9. Datganiad y Prif Swyddog Cyllid

- 9.1. Mae'r adroddiad yn nodi'r prif delerau ac amodau ar gyfer yr £20 miliwn o gyllid a gyhoeddwyd ar gyfer Y Rhyl fel rhan o fenter Cynlluniau Hirdymor ar gyfer Trefi Llywodraeth y DU.

10. Pa risgiau sydd ac a oes unrhyw beth y gallwn ei wneud i'w lleihau?

- 10.1. Y brif risg i gychwyn yw methu â bodloni'r terfynau amser ar gyfer cyflwyno gwybodaeth i Lywodraeth y DU, a fyddai'n arwain at beidio â chael y cyllid.

11. Pŵer i wneud y penderfyniad

- 11.1. A24 Deddf Llywodraeth Leol ac Etholiadau (Cymru) 2021 – pŵer cymhwysedd cyffredinol.
- 11.2. Tabl 4, Atodiad 1 Adran 13 Cyfansoddiad y Cyngor.